



Broj: 02-11-1181/24-AP-8
Datum: 25.06.2024. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14 i 59/22), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/22 i 6/23) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Sanacija ulice Voćarski put“, Gradonačelnik Zavidovića, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-1181/24-AP-6 od 11.06.2024. godine iz razloga što izabrani ponuđač „HAJDIC“ d.o.o. MAGLAJ nije prihvatio ugovor o javnoj nabavci radova „Sanacija ulice Voćarski put“.

Član 2.

Prihvata se preporuka Komisije za javne nabavke, te se Ugovor o javnoj nabavci radova „Sanacija ulice Voćarski put“, dodjeljuje drugorangiranom ponuđaču GTPD „POROBIĆ“ d.o.o. ZAVIDOVIĆ koji je dostavio ponudu broj: 04-06/24 od 04.06.2024. godine u postupku dodjele ugovora o javnoj nabavci radova „Sanacija ulice Voćarski put“, u kojoj je nakon e-aukcije ponuđena ukupna cijena od 62.999,90 KM (slovima: šesdesetdvijehiljaddevetstotinadevedesetdevet i 90/100 KM) bez uračunatog PDV-a.

Član 3.

GTPD „POROBIĆ“ d.o.o. ZAVIDOVIĆ ima obavezu dostavljanja dokumentacije propisane tenderskom dokumentacijom (u originalu ili ovjerenj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

Obrazloženje

Odlukom Gradonačelnika broj 02-11-1181/24-AP-2 od 15.05.2024. godine pokrenut je postupak dodjele ugovora za javnu nabavku radova „Sanacija ulice Voćarski put“, putem otvorenog postupka za koji je dana, 16.05.2024.godine upućeno Obavještenje broj 1374-1-3-79-3-74/24 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 05.06.2024. godine do 12.00 sati dostavljene je 7 (sedam) ponuda, i to ponude sljedećih ponuđača po prijemu prispjeća: 1. „GEO-PUT“ d.o.o. MAGLAJ; 2. „HAJDIĆ“ d.o.o. MAGLAJ; 3. „KOMGRAD-ZE“ d.o.o. ZENICA; 4. „MGV GRADNJA“ d.o.o. ZAVIDOVIĆI 5. „DOBOJPUTEVI“ d.d. DOBOJ JUG; 6. GTPD „POROBIĆ“ d.o.o. ZAVIDOVIĆI i 7. GP „HELDOVAC“ d.o.o. ŽEPČE.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je pristiglo ukupno 7 (sedam) ponuda, da su sve blagovremeno zaprimljene i da nije bilo ponuda koje su odbačene kao neuredne ili neprihvatljive u skladu sa članom 68. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 10.06.2024. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda broj: 02-11-1181/24-AP-2 od 10.06.2024. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„HAJDIĆ“ d.o.o. MAGLAJ	62.000,00 KM
2.	GTPD „POROBIĆ“ d.o.o. ZAVIDOVIĆI	62.999,90 KM
3.	„GEO-PUT“ d.o.o. MAGLAJ	68.999,00 KM
4.	„MGV GRADNJA“ d.o.o. ZAVIDOVIĆI	69.000,00 KM
5.	GP „HELDOVAC“ d.o.o. ŽEPČE	69.974,50 KM
6.	„DOBOJPUTEVI“ d.d. DOBOJ JUG	70.973,10 KM
7.	„KOMGRAD-ZE“ d.o.o. ZENICA	71.520,00 KM

Ugovorni organ je dana, 11.06.2024. godine donio Odluku broj 02-11-1181/24-AP-6 kojom je prihvaćena kao najpovoljnija ponuda ponuđača „HAJDIĆ“ d.o.o. MAGLAJ.

Nakon što je zaprimio Odluku ponuđač „HAJDIĆ“ d.o.o. MAGLAJ nije dostavio dokumentaciju iz člana 45. i 47. Zakona o javnim nabavkama, a koju je bio dužan da dostavi u skladu sa Tenderskom dokumentacijom i članom 2. pomenute Odluke, odnosno u roku 5 (pet) dana.

Kako je rok za dostavu dokumentacije istekao zaključno sa 24.06.2024. godine, a izabrani ponuđač nije blagovremeno dostavio propisanu dokumentaciju, to nije postupio u skladu sa uslovima iz Tenderske dokumentacije.


Obzirom da je ponuđena cijena ponuđača GTPD „POROBIĆ“ d.o.o. ZAVIDOVIĆI u okviru osiguranih sredstava za javnu nabavku, u skladu sa 72. stav 3. Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, te je ugovor dodijeljen drugorangiranom ponuđaču GTPD „POROBIĆ“ d.o.o. ZAVIDOVIĆI.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Obradila: 
(Sanela Mulahasanović)

Kontrolisao: 
(Midhat Bajramović)



GRADONAČELNIK

doc. dr. Hašim Mujanović 